

6
AUGUSTINI MARIOTTI
ROMANI PRESBYTERI S. T. D.
D E
NUMMO NEPTUNI
ARGENTEO INCUSO
COMMENTARIOLUS
Ad Illmum, & Rmum D. D. Abb.
JOSEPHUM CALLIXTUM
DE GENTILIBUS

SACRÆ CÆSARÆ MAJESTATIS CONSILIARIUM,
*Et Electoralis Aula Moguntina Confiliarium Status
Intimum, plurimumque Sac. Rom. Imperii Princi-
pum negotiis Præpositum apud S. Sedem.*



ROMÆ MDCCLXII.

EXCUDEBANT BENEDICTUS FRANZESIUS,
ET CAJETANUS PAPERIUS.

PRÆSIDUM FACULTATE.



(III)
ILLME, AC RME ABBAS



E nummo, qui superiore anno, ruderibus quibusdam in agro Romano effossis, inventus est, ad te, ABBAS NOBILISSIME, volui scribere; ratus enim sum fore, ut, præ candore animi, quæ sentias, dicere sincere non verearis, ac præ tua in me benevolentia, si quid ad rem minus accuratum dixero, minime temnas: quandoquidem a natura ad veritatem vel sequendam, vel asserendam ita es institutus, ut ab ejus

(I V)

studio vi nulla, aut aliquo ullo pacto
dimoveri possis; quod sane Principi-
bus maximis, & potentissimis, quo-
rum res summas promoves, vel apud
quos de eisdem agis, gratissimum red-
dit; contra vero animum virtutibus
reliquis, majorum nobilium exem-
plo, ita excoluisti, prudentia potissi-
mum, atque humanitate, ut, quod
sincere, & ex animo prolatum de ce-
tero angorem adferre posset, mira-
quadam, ac suavi ratione temperes,
ac exhibeas. Ad hæc, duo sunt, quæ
me impulerunt maximopere, ut hunc
tibi Commentariolum inscriberem, al-
terum, quod pluribus de causis ob-
stringi me, ac debere tibi fateor, al-
terum, quod studiorum id generis ve-
hementer delecteris; nam illustre tibi
comparasti musæum, ac numophyla-
cio potiris auro, argento, ære refer-
tissi-

tissimo, in quo numi familiarum Reipub. Romanæ, Cæsares, ac insequentium ætatum ad nostram usque Imperatores: immo, ut ea in re, qua caperis, voluptatem testeris, argentei numi, in quibus Romanam historiam, non multis ab hinc annis, argenti flatores galli cufere, connumerantur. Quamquam non una explevit tibi animum Romana res, locum, & quidem nec ultimum, nec mediocrem habet Ecclesiastica; nam Pontificum seriem in numis maximi etiam moduli expressam videre licet. Tum, ut nullus ea in re desiderio locus esse unquam possit, variarum gentium, terrarumque numos factis etiam illustrioribus, fœderibusque signatos, & qui strenuos Duces, aut literatos homines, postremo & hæresiarchas exhibent, in musæo conlocasti; ut interim silentio ob-

(VI)


volvam gemmas , & carneolas : quæ
quum primum quis videat , statim
animo assequitur quanti eruditionem
sive sacram , sive profanam facis ,
quas in oculis utrasque gerere te si
quis pernegaret , næ ille desiperet .
Patere igitur , ABBAS ILLUSTRISIME ,
ut morem geram animo meo tacite
hortanti , ut hanc meam ad te aman-
dum , & colendum propensionem ,
non modo tibi , sed , quatenus per me
liceat , omnibus , qui musas sive sa-
cras , sive profanas diligunt , foveant ,
ac protegant , [quod in illis Ecclesiæ ,
& Reipublicæ salus , ac felicitas sita
sit] hoc qualicumque labore , ac offi-
cio declarem , meque amare perge .

Romæ Kal. Octobris MDCCLXII.

Humill. ac Obsequentiſſi Fam.
Augustinus Mariottus.

DE

(VII)



Fra^m Belli Rom.del.

Pet^m Bombelli Rom.sculp.

DE NUMMO NEPTUNI

ARGENTEO INCUSO.



NUMMUS hicce, ruderibus quibusdam in agro Romano effossis, superiore anno repertus est. Ut vero ad Urbem delatus, oculos quorundam, qui in re antiquaria sunt, atque censentur eruditissimi, offendit, nullum vel quod carie aliqua obesus, vel quod characteres

A 4

ne-

negotium faceſſiverint , de ſe judicium ab iis habere potuit . At contigit , ut , quum de illo in amicorum frequentia diſpuraretur , meam pro-
tulerim ſententiam , quam ſcripto aſſeri nequaquam poſſe contendebat nonnemo . Hinc inceſſit mihi , qui tamen ſeveriores muſas colo , nec antiquariis accenſco me , cupido , rem & cognoscendi apprime , & pro modulo aſſe-
rendi .

Iſthæc ſcribendi occaſio ; ſed jam Nummum verſemus , & in antica ſui parte principio animadvertatur . In ea aſpicimus robuſtum virum , ſtātem , ad humeros fere uſque crinitum , barbātum , cui pallium , ſemicirculi figura induta , terga operit , & brachia utraque recurrens , hinc , inde ex æquo diſfluit ; tridentem dextra elevat , & fere vibrat , non tamen jactat , ſi attento oculo cernimus , ac ſiniſtro brachio longe extenſo , manum imperantis ad inſtar proruſ movet : ex quo facili negotio colligitur , expreſſum eo loci Neptunum eſſe , præterea neminem . Nam crinibus prolixis , ac tortis , quos Lucianus in ſacrificiis cyaneis nigros vocat , barba etiam reſertum veteres Nummi , ac ſigna omnia exhibent , *De la Chauffe Muſ. Rom. ſect. 2. tab. 7. edit. Rom. 1707. , Antonius de Cavaleriis ꝑc. :* & jure merito , quum de ſe
ipſis

ipsis Dii apud Lucilium , teste Lactantio , de
ver. sap. cap. 3.

*Ut nemo sit nostrum , quin Pater optimus
Divum ,*

*Ut Neptun' Pater , Liber , Saturnu' Pater ,
Mars ,*

*Janu' , Quirinu' Pater nomen dicatur ad
unum .*

ubi legit Fr. Douza , omnes dicamur ad unum .
Diserte Agellius , lib. 5. cap. 12. , *Jovem La-
tini veteres a juvando appellavere , eundem-
que alio vocabulo juncto Patrem dixerunt . Nam
quod est in elisis , aut immutatis quibusdam li-
teris Jupiter , id plenum , atque integrum est ,
Jovis-pater . Sic & Neptunus-pater conjuncte
dictus est , & Janus-pater , & Mars-pater : hoc
enim est Marspiter , & Marspater &c. Barbam
itaque quum Jovi , in quo cælum , Plutoni , in
quo terram nobis συμβολῶς innuerunt veteres ,
eamdem quoque Neptuno , in quo mare , de-
derint necesse est , ætatis , ac dignitatis ratione
habita , tamquam primoribus , ac æternis ele-
mentis , quibus stat mundus , quem æternum ,
Aristoteles præsertim , voluerunt .*

Applicemus animum ad pallium , (*carba-
sus* potius dici debet . *Carbasus* , inquit Non-
Marcellus , de gen. vestim. c. 14. pag. 790. n. 28.

edit. Gothofred. , pallium , quo fluvii amiciuntur vel opulentia causa , aut lino tenui . Virg. lib.8.

Eum tenuis Glauco velabat amictu Carbasus), ad pallium , inquam , quod eo modo sinuosum , ac utrinque diffluens , nil præ se novi , si ex se spectes , ferre poterit ; nam pallium collo superinductum , si brachia eleventur , ut sit in Nummo , sinuari , & hinc inde diffluat necesse est ; nisi velimus ad geminum ambitum , quo mare terram universam alluere Macrobius explicat , Artificem respexisse : *Nunc de oceano* , inquit , *in somn. Scip. lib.2. cap.9. p.146. edit. Grippian. 1532. , quod promissimus , astruimus , non uno , sed gemino ejus ambitu terræ corpus omne circumflui . Cujus verus , & primus meatus est , qui ab indocto hominum genere nescitur . Is enim , quem solum oceanum plures opinantur , de finibus ab illo originali refusus , secundum ex necessitate ambitum fecit . Ceterum ejus prior corona per zonam terræ calidam meat , superiora terrarum , & inferiora cingens , flexum circi æquinoctialis imitata . Ab oriente vero duos sinus refundit , unum ad extremitatem septentrionis , ad australis alterum . Rursusque ab occidente duo pariter enascuntur sinus , qui usque ad ambas , quas supra diximus , extremita-*

mitates refusi, occurrunt ab oriente demissis. Qua idea retenta, dicere etiam oporteret, hemicycli illius figura, quam pallium induit, aquarum super terram alluvionem ab artifice, fuisse expressam, quam non sphaeroidicam, aut alterius figuræ, sed sphaericam veteres unanimi consensione asseruerunt. Immo, oceanum Græci, & Latini ideo nominant, eo quod in circuli modo ambiat orbem, sive a celeritate &c., verba sunt Isidori 13. Orig. c. 15. pag. 1151. edit. Gothofred. Vel ergo pallii figuram motus ipse corporis, ut superius dicebam, fecit, vel, si, data opera, pallium adaptavit artifex, dicendum in ea significasse Neptunum; nam postremo & inde plures antiquorum dictum esse Neptunum pronunciarunt, quod terram operiat, & obnubat, tamquam velamento aliquo, aquis, ut Varro lib. 4. de ling. lat. pag. 13. laud. edit. Dionys. Gothofr. Neptunus, quod mare terras obnubit, ut nubes cælum: a nuptu, id est operatione, ut antiqui.

Videamus jam, anne quod robustum, & stantem cælarit artifex, argumentum inde præbuerit agnoscendi Neptunum? Equidem vis illa corporis universi jure datur Neptuno, utpote qui primas in mundo ferat cum reliquis elementis, quæ veteribus ἀρχαὶ, & στοιχεῖα dicta sunt:

Omne corpus, inquit Cicero, 2. de nat. Deor., aut aqua, aut ignis, aut aer, aut terra, aut quæ ex iis componuntur; hinc videmus Junonem, sub qua æra expresserunt, corporis habitu augusto, validoque, ut Jovem etiam, Plutonemque, effingi. Robur ergo ille Neptunum satis indicat, quod aquam, sicuti & cetera elementa numquam intermoritura, sed perpetuo vivacia, ac robusta fore censuerint. Audiatur Macrobius lib. 2. cap. 12. pag. 158. laudat: edit. Quod autem ait (Tullius) mundum quadam parte mortalem, ad communem opinionem respicit, quæ mori aliqua intra mundum videntur, ut animal exanimatum, vel ignis extinctus, vel siccatus humor. Hæc enim omnino interiisse creduntur. Sed constat secundum veræ rationis assertionem, quam & ipse non nescit, nec Vergilius ignorat, dicendo: nec morti esse locum, constat, inquam, nihil intra vivum mundum perire, sed eorum, quæ interire videntur, solam mutari speciem, & illud in originem suam, atque in ipsa elementa remeare, quod tale, quale fuit, esse desierit.

Stantis figura quoque Neptunum plane, confirmat. Hic vero loci opus factu est, revocemus in memoriam πολωνιμῶν, sive nominum multitudine alia, atque alia, prout effectuum, quos

quos producere credebantur, ferebat varietas, ratione habita, insigniri solitos fuisse Deos: sic Jovem, sic Apollinem, sic Mercurium, alioque modo uno, modo alio, juxta effectus, nomine compellabant. Quod adeo pergratum sibi factum censuerunt Dii, ut *Diana*, verba sunt Jo. Seldeni *de Dis Syr. in Prol. cap. 3. pag. 55. edit. Lugd. Batav. 1629.*, apud Callimachum, *Jovem Patrem*, ut perpetuum sibi virginitatis florem, ὅ πολυωνυμίαν tueretur, enixe impetret,

Δὸς μοι, inquit, παρθενὴν αἰώνιον, ἅπαντα, φυλάσσειν,

ὣ πολυωνυμίην

Onomacriti hymnos, (quorum auctorem Orpheum credit imperitum vulgus), qui luculentissimum hujusce rei specimen præbent, mitto, ὅ de astrochitonis nominibus quadraginta plus minus carmina, ubi Bacchus μύσῃδι, ut ait Nonnus, φωνῇ precatur, occupantibus moneo: habentur in *Dionysiacorum xl.* Ab hoc ritu *Isis μυειώνυμος* dicta est, ὅc., & paullo superius: πολυωνυμία exoptatissima habita est numinibus gloria. Itaque, ne longe abeam, Neptunus ipse Conservatoris Augusti, in numo Gallieni, Reducis, in nummis Postumi, Vespasiani, & in Inscriptionibus, Hubertus Goltzius in *Theaur. antiqu. edit. Antuerpien. 1579. pag. 7.*, Serva-

toris, in centum *Inscript. Jos. Rocch. Vulpii*, num. 29. pag. 133. tom. 19. opusculor. *Angel. Calogerà*, ac Tutelaris, in pervetusto Kalen. mens. Feb., inter Authores rei rusticæ, edit. *Populi Rom.*, & apud *Gruther.*, titulo insignitur. Ἰππικὸς quoque dictus, ut fabula fert, ac notat *Junius Philargyrius in Georg. Vergil.* pag. 255. inter auctores rei rusticæ in *edib. Pop. Rom.* 1587. *Neptunus etiam parens quorundam equorum fertur, ut Pegasi ex Medusa, & Arionis ex Cerere, cujus seminium Adrastus habuit.*

At enim *Macrobius*, ut ad rem veniam, audiatur. *Nec mirum*, inquit *Saturn. lib. 1. cap. 17. pag. 264. laudat. edit.*, si gemini effectus variis nominibus celebrantur, cum alios quoque Deos ex contrario in eadem re duplici censerī & potestate accipiamus, & nomine, ut *Neptunum*, quem alias ἐροσίχθονα; id est terram moventem, alias ἀσφαλίσωνα, id est stabilientem vocant. Ἀσφαλίσωνα igitur *Neptunum* expressurus artifex, stantem reddidit; nam, si, teste *Oppiano*, terræ fundamina inconcussa stabilire dicitur, cum ratione illa effingi oportuit, qua firma hæc terræ statio significaretur, quod pede firmo stans optime innuit.

Sed, quum imperantis instar brachium sinistrum longe protendat, corpusque impetu paul-

paullum actus ante ducat, oportet, ad statices
 leges, ab eo parumper sinuari poplitem, calca-
 neumque dextrum elevari; digitis tamen, se-
 mipedeque humi stans, ut fundamina terræ sint
 inconcussa. Hoc igitur loco dicere nequaquam
 possumus, quod sit ἐνδοξαστος, sive ἐδόξασθον,
 neque rursus, quod pugnet: nam hoc adversus
 Montefalconium inferius falsum esse evincam:
 reliquum ergo, ut motus ille dexteræ, motus
 tantummodo sit imperantis, & qui ventos, flu-
 ctusve marinos compescat, qualis apud Vergi-
 lium, 1. *Eneid.*

*Eurum ad se, zephyrumque vocat, dehinc
 talia fatur:*

*Tanta ne vos generis tenuit fiducia vestri?
 Jam cælum, terramque, meo sine numine,
 venti,*

*Miscere, & tantas audetis tollere moles?
 Quos ego... sed motos præstat componere flu-
 ctus:*

*Post mihi non simili pœna commissa luetis.
 Maturate fugam, regique hæc dicite vestro,
 Non illi imperium pelagi, sævumque triden-
 tem,*

*Sed mihi sorte datum; tenet ille immania saxa,
 Vestras, Eure, domos: illa se jactet in aula
 Æolus, & clauso ventorum carcere regnet.*

Dicebam vero, Neptunum ἐνοσίγῳα non exprimi; nam fuit hæc veterum Græcorum sententia, quod terræ motum aquarum concussio cieret, ita Servius in 1. *Æneid.*, pag. 298. edit. *Basileens.* 1534. , ad illud *Neptunus muros*, ipsi enim, inquit, *fundamenta sunt consecrata*, *cujus & moventur arbitrio*, unde ἐνοσίγῳα, ἐνοσίγῳα & dicitur, hoc est terram movens aquæ concussione, sicut terræ motus continent opiniones, & Isidorus lib. 14. c. 1. *Etymol.* pag. 1160. laud. edit., *cujus (terræ) motum alii dicunt ventum alii aquam dicunt generalem in terris moveri, & eas simul concutere sicut vas, ut dicit Lucretius; quamquam posteriores Romani non ita senserint. Quenam, inquit A. Gellius Noct. Attic. edit. Grippian. ann. 1556., pag. 85. & 86., esse causa videatur, quamobrem terræ motus fiant, non modo his communibus hominum sensibus, opinionibusque compertum non est; sed ne inter physicas quidem philosophias satis constitit, ventorum ne vi accendant specus, hiatusque terræ subeuntium, an aquarum subter in terrarum cavis undantium, fluctibus, pulsibusque, ita uti videntur existimasse antiquissimi Græcorum, qui Neptunum ἐνοσίγῳα, καὶ ἐνοσίγῳα appellarunt; an cujus aliæ rei causa, alteriusve Dei vi, ac numine, nondum etiam, sicut diximus,*

mus, pro certo creditum. Propterea veteres Romani cum in omnibus aliis vitæ officiis, tum in constituendis religionibus, atque in Diis immortalibus animadvertendis castissimi, cautiissimi-que, ubi terram movisse senserant, nunciatum-ve erat, ferias ejus rei causa edicto imperabant. Sed Dei nomen, ita uti solet, cui servari ferias oporteret, statuere, & edicere quiescebant, ne alium pro alio nominando, falsa religione populum alligarent. Eas ferias si quis polluisset, piaculo-que ob hanc rem remotum esset, hostiam sic Deo, Dea immolabat. Idque ita ex decoris Pontificum observatum esse M. Varro dicit: quoniam & qua vi, & per quem Deorum, Dearum-ve terra tremere, incertum esset. Quod repetit Alexander ab Alexand. Genial. dier. lib. 5. cap. 27., ibique Tiraquellus.

Itaque, & robur iis, quæ superiore §. dixi, adjiciatur, Neptunus hoc loco ἐννοήθων haudquaquam exprimitur; nam, ut esset ἐννοήθων, oportuisset, ut tridentem non attolleret, sicut in Numo, sed ipso terram percuteret, quo ita illa intremere: sic enim apud Ovidium, *Metamorphos. lib. 1. pag. 15. edit. Elzevirian. ann. 1664.*

*Ipse tridente suo terram percussit, at illa
Intremuit*

§ 2. *Æneid.*

*Neptunus muros, magnoque emota tridente
Fundamenta quatit, totamque a sedibus ur-
bem*

Eruit

De tridente denique verbis quid opus est ? Servius in ea Vergilii, 1. *Æneid.*, *Jam calum, terramque, certe, inquit, pag. 208. laud. edit. illud est, quod tria hæc numina, licet divisa imperia teneant, videntur tamen regni totius habere potestatem, sicut § ipsa elementa, quæ retinent, physica inter se quadam ratione junguntur, quod § ipsorum Numinum sceptrâ significant. Jupiter enim trifido utitur fulmine, Pluton cerbero, Neptunus tridente.*

Et hæc quidem omnia, ut patet, *salstopotentem, § multipotentem Jovis fratrem Nereum Neptunum*, ut cum Plauto, *Trin. act. 4. sc. 1.*, pag. 267. t. edit. Aldin. 1522., loquar, nummo adstruunt: quare non video, ecurr ea de re fuerit dubitatum. Negotium ne faceffiverunt characteres ? scilicet primo obtutu insipientibus ingerere speciem ii possent; quod tamen ingerant, nihil est. Vel enim characteres illos, uti græcos universos legimus, vel uti etiam alienis literis admixtos: utrumque qui faciat, Neptunum profecto leget, & ex characteribus,

ribus, ut ex reliquis hucusque dictis, nummo adstruet.

Itaque, quum Latini Neptunum, Græci *νεπείδωρα* vocent, quis jam eo numo falsipotentem ab artifice expressum addubitet? prima, ac tertia litera, in quibus difficultas esse potest, græcæ hercule sunt, ac π , & σ sonant. Nam, licet ea antiquissima Π forma sit; in vetustissimis tamen marmoribus, etiam hæc postrema π perlegitur; σ etiam græca est, siquidem vel inclinatur hac ratione \mathcal{M} ab artifice ob figuram nummi circularem, quam scribendo insequitur, vel fere hoc modo Σ erecta sculpirur, ut in pervertutis quibusdam nummis, ac marmoribus exhibetur, quod & Montefalconius in Palæographia, ejusque Epitomator Hieromonachus Cryptoseratenfis docent. Et hæc quidem, si literæ, græcæ sint universæ; si vero permixtæ fuerint alienis characteribus, adhuc in illis *νεπείδωρα*, perlegamus, necesse est, quum σ , in quo major sita videtur difficultas, sic redditum, ut \mathcal{M} græca, cum phœnicia litera \mathcal{S} omnino conveniat, apud quos ita scribitur \mathcal{M} . Constat autem tam apud Græcos, quam Romanos, characteres alienos, in nummis quoque miscere, fuisse in more positum, ut etiam observat Spanhemius, *de præst. & us. num. edit. Rom. an. 1664. pag. 48.* Sive
ergo

ergo græce totam , sive alieno charactere etiam permixtam inscriptionem legamus , ea Neptunum utrimque exhibet .

Ad hæc , Montefalconius , in *antiquit. explic. lib.2. c.7. , pag 68. §.5. tom.1. , edit. Paris. 1719. , tab.32. n.7. ,* nummum profert , illi , qui præ manibus est , simillimum , iisque characteribus cælatum , qui in nostro visuntur , & paullum in eo differt , quod characteres manui sinistræ recta subsunt , hoc modo ,

& post σ , « insuper additur , & πρῶτον , sive , ut ego , πρῶτον legit . Porro , in eo Neptunum & Montefalconius jure merito agnoscit ; unum me ab illius sententia distrahit , quod , quum ille *num.6. nummum* , in quo Neptunus pugnax est , exhibeat , contendat deinceps , pugnare etiam Neptunum in altero , quem dixi , nummo , *laudat. n.7. : sed* en ejus verba : *Observatu dignus est nummus sequens 6. , (tab.32.) Demetrii Poliorcetae contra Ptolemæum pugnam , & victoriam navalem præferens , cujus apud Plutarchum descriptionem habes . In prora navis victoria stans tuba canit , in altera nummi facie Neptunus , pugnantis more , brachium pallio involvens , tridentem vibrat , ut hostes profliget , & usque dum Montefalconius recte ; pergit vero . Pari modo (ead. tab.*

tab. n. 7.) instructus ad pugnam cernitur in nummo Posidoniorum, qui sibi Neptunum favere putabant, quod Neptuniorum nomine insignirentur. Nam, quod in num. 6. Neptunus pugnet, satis demonstrat 1. motus corporis anteducti, 2. tridens, quem prorsus dextera vibrat, & quod magis est, pallium, non ab humero hinc inde diffuens, aut corpus aliquo modo obtegens, quum nudum pateat totum, sed sinistro brachio, quod prope manum circumit, superinductum, hac ratione



, quæ pugnaturis omnino convenit: hos enim expeditiores, quoad fieri potest, oportet esse ad pugnam. Male ergo, in 7. num., Neptunum pugnare contendit Montefalconius, quum neque corpus ante, ut in 6. num., Neptunus ducat, neque tridentem dextera vibret, sed sinistra complectatur, neque, impedimenti loco quominus sit, pallium, sive carbasum brachio involvat; ut interim silentio præteream posticam nummi faciem, in qua anteiisse prælium victoria stans, ac tuba canens negotio facili indicat. Stat igitur, Neptunum, in laud. 7. n., uti ventos, fluctusque compefcentem exhiberi, eo prorsus modo, quo insculptum ab Artifice fuisse in nostro superius assereram. Atenim, quod caput in nummo est,
Mon-

Montefalconius ipse Neptunum nummo adstruit, mecumque una sentit. Et hæc de antica numi facie.

Reliqua superest postica nummi pars, in qua, si nonnihil difficultatis inesse dixerò, longe non abeam. Atqui illam inspiciamus. Figura, quæ eo loci effingitur, motu corporis, pallio, & inscriptione, alteri, quam explicavi, simillima prorsus est; nam stat, pallium, seu carbasus, sinuatur, ac utrimque, brachia recurrens, diffluit, manuumque alteram, ut tridentem elevet, attollit; alteram, protenso brachio, recta extendit. Characteres item iidem sunt; ac **ΜΟΤ**, ut in antica, legitur. Hicce vero ab illa differt, primo, quod in antica pectus sine carbaso, qui terga operit, figura videntibus exhibet; in postica, absconso pectore, terga pallio sinuoso induta offert. Deinde, quamvis dextera, sinistraque manus eodem ex æquo ac in antica, repræsententur modo, ita ut eadem de causa, tridentem adesse omnino deberet, tridens nihilominus non apparet. Tercio, quod barbatum antica exprimat, postica sine barba; denique characteres in antica, insipientibus nummum, sinistrorsum, in postica dextrorsum sunt: utrimque vero a dextra, ut apud Hebræos fieri solet, legi incipiunt, quod & apud

apud Græcos in more positum fuisse veteres inscriptiones, nummique aliquot, immo & ille, *superiore* §., Montefalconii, & hicce noster ostendunt. Et hæc, quibus postica, sed forsân leviter, ab antica differt.

Est autem aliquid, quod ex toto inter se distrahuntur, nam anticæ nummi partis figura prominet, ut in nummis ceteris, posticæ vero faciei imago cava, & intus cusa, sive, ut ajunt, *incusa* contra est. Quæ sane res, licet nunc primo non accadat, difficultatem nihilominus insipientibus ingerit, causamque apud Scriptores rei nummariæ, quorum nonnemini iccirco hæret aqua, diversam habet. Sed horum duo audiantur. Begerus, in *Theaur. elector. Brandenburg. select.*, in *Metapontinorum felici agricult. pag. 329. edit. Colon. March. 1696. De capite bovis*, inquit, *adhuc audire placet, subjecit Archæophilus; neque enim quo fine in numismatibus Metapontinorum occurrat, facile dixerō; & cum INCUSUM sit, neque rationes signaturæ assequor. Caput bovis, respondit Duldorus, ex agricultura interpretationem mutuatur, de qua supra. Ratio signaturæ obscura esse non potest. Cum figura massæ argenteæ incusa sit, utique clarum est, eam in matrice, quam vocant, non calatam, sed ex ea elevatam fuisse,*

eo plane modo, quo hodiernum artis peritissimi numismatum & figuras, & inscriptiones ex chalybe elevare, & elevatas in matrices incutere solent, ex quibus postea rursus elevatae in numismatibus prodeunt. At mihi, excepit Archaeophilus, error signaturæ hic videbatur inde ortus, si numisma quoddam percussum ex superiore matrice forte non eximeretur, unde postea necesse fuerit, figuras ejus substratæ laminæ eo modo imprimi, quo & in hoc Metapontinorum numismate cernimus. Res credibilior est, quo rariora sunt ejus exempla, cum plura proculdubio prostarent, si ex ~~negation~~ procederent. Paucitas exemplorum, respondit Dulodorus, contra me nihil facit, cum ingenii politioris hic fœtus esse possit, qui ut a communi more interdum recedit, ita & raritate sibi pretium conciliare solet. Ceterum nec numismatis percussi figuræ elevatae ejus duritie sunt. ut denuo argenteam massam frangere, eique ita immitti possint, nec omnia exempla rationem admittunt; si enim valeret, eadem figura, quæ in aversa elevata cernitur, eadem, etiam in adversa incusa constanter deberet reddi; nam, si residet in superiore matrice, necessario inferioris figuram denuo massæ argenteæ imprimit, quæ & ab altera elevata redditur. Sed hoc in numismatibus perpetuum non est, uti vel ex pro-

propósito intelligas, in quo non eadem figura, SPICA videlicet, sed diversa plane, CAPUT BOVIS redditur. Haftenus Begerus. Jobertius vero, Scien. delle medagl. tom. 1. Istruz. 8. pag. 172. edit. Venet. an. 1756.: Se ne trovano, inquit, fralle antiche consolari, ed alcune nelle imperiali di bronzo, e di argento. Noi le chiamiamo INCUSE, cioè non improntate. La conformità di queste medaglie potrebbe sorprendere un nuovo curioso, perche in vece di un rovescio, non hanno se non l'istesse figure, che hanno dalla parte della testa, battute come per fare un modello, o una forma. Confesso, che ho sempre avuta difficoltà nel comprendere, che ciò sia seguito per difetto di avere applicato il secondo quadrato, o forma di acciajo, e volevo più tosto figurarmi altre ragioni, sinche ho inteso da uno, (l'Ab. D'Aizot), che fra gli uomini di Francia intendeva meglio, che cosa fosse il torchio di monetiere, che ciò veniva dalla fretta del monetiere medesimo, il quale prima di ritirare una medaglia, che aveva battuta, rimetteva un nuovo tondò, il quale trovando da una parte il quadrato, o la forma di acciajo, e dall'altra la medaglia precedente, improntava dalle due parti l'istessa testa, da una parte in rilievo, dall'altra in incavo, ma sempre più imperfettamente, essen-

essendo lo sforzo molto più debole dalla parte della medaglia.

At enim mihi neutra sententia arridet; siquidem Begerus, ut a primo exordiar, vel sui conceptus ideas explicare nescit, vel a vero quamlonge distat; nam *artisperitissimi*, ut ipse contendit, non ex eo figuras, & characteres, qui in nummis prominent, efformant, quod *numismatum* & *figuras*, & *inscriptiones ex chalybe elevare*, & *elevatas in matrices incutere solent*, ex quibus postea rursus *elevatæ in numismatibus prodeunt*; sed iccirco imagines, & characteres prominentes ex toto videntur, quod in chalybe ipso cavum utrorumque exemplum, cælo insculpat malleator. Jobertii quoque, sive Aizotii ratio, quamvis verosimilior, nutat tamen: nam eluitur argumento Dulodori, quod ex Begero mox retuli, *nec numismatis percussæ figuræ ejus duritiei sunt, ut denuo argenteam, massam frangere, eique ita immitti possint; si enim valeret, eadem figura, (quod tamen perpetuo non accidit, ut patet etiam in specie nostra), quæ in averfa elevata cernitur, eadem, etiam in adversa incusa reddi constanter deberet.*

Alio itaque mentem, cogitationemque facto opus est, ut applicemus; imago etenim nummi postica, licet sit eadem, si ea ex toto
con-

consideretur, ex æquo ac illa, quæ in antica, sculpsitur, discrepat nihilominus, ut cetera recensita, quæ huc minime faciunt, modo præmittam, primo, quod antica, ut superius dixi, pectus sine carbaso, qui terga operit, videntibus exhibeat; contra postica, pectus omnino abscondat, & terga pallio sinuoso induta offerat. Secundo, quod in antica characteres incipiunt circa suram Neptuni litera Π , in postica autem, circa nates quidem, sed litera Π . Porro certum quamquod maxime est, quod si superior nummi imago, modo, quo contendit Jobertius, malleatoris celeritate reddi in infero argento debuisset, debuisset sane reddi anticæ simillima; at enim antica pectus exhibet, postica vero terga, antica post humeros habet carbasum, qui parum hinc inde circa latera apparet, posticam pallii sinus totus, quantus est, amicit. Eadem de causa, quum inscriptio circa Neptuni nates in antica sinistrorsum videntibus habeat Σ , in postica eodem loco, licet videntibus dextrorsum, Σ legi deberet: & nihilominus legitur Γ . Constat itaque neque a Begeri, neque a Jobertii partibus stare nos posse.

Dicet aliquis, quamam ratione id ergo accidit? At enimvero, quis ego sum, ut rem expli-

plicatu difficillimam, quam Antiquarii ipsi vel existimant, vel faciunt, oraculo quasi ex tripode accepto, propinem? nullus certe, ac Davus quidem, non Oedipus. Dicam tamen, quod sentio, lector, aptiora donec, aut veriora suppetent, si lubet, sequetur. Sicuti in superiore chalybe, quam exemplum, matrem, & patrio sermone, *stampa, forma, conio* jure merito dixeris, Neptuni imaginem totam cavam effinxit Artifex: unde in argenti percussione visa est inde prominens ex toto; ita, (quoniam contrariorum eadem est ratio), in chalybe infera imago nummi nostri postica ex toto prominens efformata ab illo est; quo factum, ut cavum quam esset superius exemplum, Neptunus prominens redderetur; cava autem figura nummi postica, quod exemplum, aut mater prominens ei subesset, signata appareret: nam, quod malleator cælo, aut viriculo illam insculpere voluerit, neutiquam mihi arridet. Hæcenus de *materiali*, ut scholæ loquuntur, nummi figura.

Restat aduc, quod in nummo præcipuum est, de imagine ipsa instituendus sermo. Etenim, quum eadem figuratione, si ea, quæ adnotavi, excipiantur, posticam ex æquo ac anticam nummi faciem cuserit argenti flator; quæri jure merito potest, eccur iterum eadem imagine signa-

signare nummum ei libuit? quamvis enim ejus generis nummi novi non sint, ut de illo Neronis in averfa, & adverfa parte ex æquo inſculpti teſtatur Antonius Auguſtinus, *Dial. 2. pag. 23. edit. Rom. 1736.*, hoc tamen rariffime accidit, & non ſine cauſſa factum eſſe dicendum.

Sed in ſpecie noſtra rem innuat Catullus, *ad Sirm. Pen., edit. Aldin. an. 1558. pag. 44.*

*Peninſularum, Sirmio, inſularumque
Ocelle, quaſcunque in liquentibus ſtagnis,
Marique vaſto fert uterque Neptunus,*

Quam te libenter, quamque latus in viſo &c.; explicet vero Turnebus: *Quum*, inquit, *de Sirmione Catullus ſcribit Quaſcunque &c.*, quaſitum eſt, qui ſit uterque Neptunus? ac probabilis eorum videtur eſſe ſententia, qui mare ſuperum, & inferum, quibus Italia cingitur, interpretantur. Verius tamen fortaſſe videri poſteſt, quum ſignificet Neptunus eam vim, quæ humori præeſt, ut utrumque Neptunum intelligamus & eum, qui dulcibus, & eum, qui ſaliſ aquis imperat. Sic enim Sirmio inſulis, & peninſulis omnibus maris, & fluminum, & lacuum anteponetur. Huic expoſitioni favent Catulli verba, qui & liquentium ſtagnorum, & maris mentionem facit. Hæc Adrianus Turnebus, *Adverſ. lib. 24. pag. 302. edit. Pariſ. 1565.*
cujus

(x x x)

cujus primæ sententiæ adhæret M. Antonius Muræus, pag. 44. t. laud. edit. Ald. Uterque Neptunus, mare superum, & inferum significat. Vetetes ergo, qui erant, ut amicus meus olim cecinit :

E di filosofia ricolmi il petto,

Neptunum utrumque exprimere percipientes, gemina ejus figura signarunt nummum. Quod, si deest in postica nummi parte barba, &, quod magis est, tridens; attamen ex eadem imaginis figuratione, & corporis, brachiorumque motu, ut in antica, nemo ibit inficias, quod tridens etiam adesse oportebat, ut mentis conceptus malleatoris, artificisque effectui responderet : nam barba, vel quod imago ipsa in nummo cava, vel carie aliqua obesa, pictoris oculos, qui nummum pennicillo reddidit, forsan effugit. Ceterum, quum videam post Neptuni furas utrasque, talumque dexterum, in antica nummi facie, aliquas argenti effusiones, excursionelque, quas vulgo dicimus *sgranature*, cense-rem, nummum hunc, quantus est, ab argenti flatore primo cūsum, non, ut perfectus tunc prodiret, sed, ut experimentum quoddam faceret, quo viso, perfectiorem inde redderet, absolutissimusque in conspectum, lucemque hominum veniret. Hæc, inquam, mihi causa, ut

(x x x i)

ut reor, quod tridens desideretur, utpote nummo infecto, quamvis, ut dicebam, adesse omnino debeat.

Locum postremo, in quo cusus nummus est, inscriptio ipsa facili negotio indicat. Nam, si illa *ποσειδωνία*, vel *ποσειδών* legatur, argumento est, a Posidoniis cusum, qui nomine Neptuni insigniti erant, eique opidum illud, ni malis, urbs, sacrum. Est autem Posidonia opidum maritimum in Lucania a Sybaritis conditum, quod postea nuncupatum est Pæstum, ut auctor Strabo, *lib. 5.*, hodie *Pesti*, sive *Piești*.

Et hæc de nummo Neptuni argenteo incuso pro ingeniolo differere visa sunt. Plura, & eruditiora promet, cui otium diuturnius, rei-que nummariae scientia major præsto est: mihi ultra progredi horæ subsecivæ denegarunt.



33 376286

IMPRIMATUR,

Si videbitur R^{mo} P. Magistro Sacri Palatii Apostolici.

*Dom. Jordanus Archiep. Nicomed.
Vicesgerens.*

IMPRIMATUR.

Fr. Thomas Qualeatti Ord. Prædic. R^{mi}
P. M. Sac. Pal. Ap. Socius.